

12 Mei 2011

Jaargang 4 – Uitgawe 14

## In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Kommentaar
- Advertensies
- Agterblad



Teken in op e-Hervormer en ontvang elke uitgawe gratis per e-pos!

- Besoek die webwerf by [www.hervormer.co.za](http://www.hervormer.co.za) en klik op die "Teken in"-opsie; of
- stuur 'n e-pos aan [karen@nhk.co.za](mailto:karen@nhk.co.za)

Nuus, berigte en kort kommentaar (uiters 100 woorde) aan [produksie@nhk.co.za](mailto:produksie@nhk.co.za)

## VOORBLAD

### Wie is eintlik die *verlore* seun?

Die jongste, die *wegloopseun*, in Lukas 15: 11-32 word allerweë as die 'verlore' seun van die gelykenis beskou. As ons egter weer lees, sien ons dat hy op grond van sy skuldbelydenis, dat hy nie werd is om *seun* genoem te word nie, gered word. Die jongste is dus eintlik die geredde seun.

Die oudste doen ook 'n belydenis, of maak dalk eerder 'n *verklaring*, naamlik dat hy nog altyd *soos 'n slaaf* vir sy pa gewerk het. Daarmee gee hy die gesindheid van sy hart weg: Sy verhouding met sy pa was soos dié van slaaf tot eienaar en nie soos kind tot pa nie! Sy optrede noudat sy jongste broer, in sy pa se woorde, *uit die dood gered is*, getuig van hierdie hartsgesindheid: Sy eie broer is ook nie vir hom soos 'n broer nie, dalk maar net mede-slaaf?

Die oudste broer se standpunt waarom hy nie saam met sy broer by die feestafel wil aansit nie, is dat sy broer sy pa in die steek gelaat het, terwyl hyself nog altyd 'getrou en gehoorsaam' was en nooit sy vaderhuis verlaat het nie. Min besef hy egter dat, terwyl hy hierdie standpunt so onomwonde en selfversekerd stel, hy hom juis *buite* die vaderhuis bevind! Hy weier om in te gaan en saam aan sy pa se dankfees vir 'n verlore kind (en broer) deel te neem. Sy pa gaan uit na hom en pleit by hom om in te kom. Die gelykenis eindig met die pa se pleit. Dié oop einde maak dat ons nie weet of hy uiteindelik gehoor gegee het nie. Die pa se pleit bly dus in ons gemoed agter en ons voel onvergenoegd oor die afloop van die verhaal.

Sou die ouer broer dus regtig bly weier het om met sy jongste broer versoen te raak? Sou hy tot die besef kon kom dat hy deur sy optrede juis doen waaroor hy sy jongste broer verwyt, naamlik dat hy sy pa in die steek laat? Hy is immers nou die een wat die vaderhuis verlaat het, maar anders as sy broer wat tot inkeer gekom het, bly weier om terug in sy pa se huis in te gaan! Hy is immers die een wat nou bewys lewer dat hy nie *egte kind* van sy pa is nie, omdat hy nie sy pa se hart het nie – sy pa wat onvoorwaardelik kon vergewe en sy kind met oop arms *uit die dood* terug kon ontvang.

Die gelykenis beeld die oorkruis-boodskap treffend uit: Die jongste broer *bely* dat hy nie meer as *kind* gereken kan word nie, maar eerder as *slaaf* beskou moet word. Die ouer broer *maak aanspraak* op kindwees, maar gee in sy *sterk bewoorde verklaring* ('Kyk, al die jare...') aanduiding daarvan dat hy eintlik maar as *slaaf* in sy pa se huis geleef en gewerk het.

Die spanning in die Kerk tussen twee broers dwing 'n mens om die boodskap van hierdie gelykenis opnuut ter harte te neem...

Dr Wian Kloppers

## Skakels

Webblad van die Hervormde Kerk [www.nhk.co.za](http://www.nhk.co.za)  
Die Hervormer [www.hervormer.co.za](http://www.hervormer.co.za)  
e-Hervormer [www.hervormer.co.za/e\\_Hervormer.html](http://www.hervormer.co.za/e_Hervormer.html)  
Indien u nie weer die e-Hervormer wil ontvang nie, klik op [www.hervormer.co.za/cancel.html](http://www.hervormer.co.za/cancel.html)



# BEROEPE EN STANDPLASE

Kontak die webbladredakteur, prof Ernest van Eck, by [ernest.vaneck@up.ac.za](mailto:ernest.vaneck@up.ac.za) om vakante standplase op die Kerk se amptelike webblad by [www.nhk.co.za](http://www.nhk.co.za) te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Fanie Pretorius by 012 322 8885 x256 in dié verband.

## Beroep ontvang

- **Prop Wouter van Wyk** na Verwoerdburg
- **Prop Wouter van Wyk** na Heidelberg
- **Ds Jasper van der Westhuizen** van Breyten/Hendrina na Ermelo-Suid
- **Ds Jasper van der Westhuizen** van Breyten/Hendrina na Vryburg

## Beroep aanvaar

- **Prop Wouter van Wyk** na Verwoerdburg

## Beroep bedank

- **Ds Pierre Roets** van Springs-Oos na Eendracht
- **Prop Wouter van Wyk** na Heidelberg

## Vakante standplase

- **Gemeente Hartebeeshoek**, geleë in Akasia in die noorde van Pretoria, beskik oor 'n vakante **volydse standplaas**. Van die gemeente se 670 lidmate is ongeveer 560 belydend. Predikante met tussen 4 en 7 jaar ervaring, met 'n liefde vir jeugwerk en wat gemaklik is om alternatiewe aanddienste te lei waartydens informele prediking en verskillende musiekinstrumente gebruik word, kan aansoek doen. Elke kandidaat moet 'n volledige CV, met 'n kort beskrywing van hom- of haarself, asook 'n bedieningsplan indien; moet bereid wees om 'n oggend- of aandrediens in die gemeente te lei en na die erediens saam met sy/haar gade 'n onderhoud met die beroepskommissie te voer; en moet 'n psigometriese toets by 'n indiensnemingsburo wat deur die kerkraad goedgekeur is, aflê. Die kerkraad behou die reg om 'n predikant te beroep wat nie aansoek gedoen het nie.

Die standplaas is vakant sedert 1 Mei 2011. Predikante kan **tot 19 Mei 2011** aansoek doen. Stuur die dokumentasie soos hierbo beskryf aan Juanita Swart by [jswart@saimes.co.za](mailto:jswart@saimes.co.za). Kontak John Barendrecht by 082 685 6039 vir meer inligting.

- Aansoeke vir die vakante **volsorgstandplaas** van **Gemeente Bothaville** word ingewag. Die versorging is volgens die 5-6-jaar-skaal met reiskoste in ooreenstemming met die Kerk se riglyne. Belangstellende predikante van die Kerk kan hul name en verkorte CV's voor of op **31 Mei 2011** stuur aan die skriba by [doutie@vodamail.co.za](mailto:doutie@vodamail.co.za).

## PREDIKANTE EN GEMEENTES

- Voorbidding word gevra vir die volgende predikante wat nog ernstig siek is:
  - **Ds Arnold Viljoen** is steeds in die hospitaal in Windhoek en beleef telkens terugslae. Sy vordering is baie stadig.
  - **Ds Louis Pienaar** is nog baie swak terwyl hy in die Little Company of Mary chemoterapie ontvang.
  - **Ds Adriaan Roets** het ook terugslae beleef na sy operasies.
- **Ds Paula Eksteen-Erasmus** van **Gemeente Midrand** het gevra dat ons die volgende boodskap plaas: "Tydens die aanval deur drie rowers in Februarie terwyl ons saam met vriende gebrui het, het ek regtig beleef wat vrees is en weer eens besef hoe kosbaar die lewe is. Namens myself en my man, Albert, wil ek graag aan almal dankie sê vir hul ondersteuning en bystand in hierdie moeilike tyd. Al die oproepe en skrywes word opreg waardeer: verskeie predikante van ons Kerk, die Algemene Kommissie, die Kommissie van die ADV, die NHSV-bestuur, die Ondersteuningsraad, die personeel van die Kerkkantoor en die Komitee vir Bejaardesorg, veral mev Magda van Deventer wat vir my ingestaan het. Ons is dankbaar teenoor Gemeente Midrand wat ons tegemoet gekom het. Ook aan ds Japie Coetzee wat ons traumaberader is – dit is 'n voorreg om saam met u hierdie pad te kan stap."
- **Dr André Groenwald** het laat weet dat dit steeds met hom en Jonanda goed gaan in Skotland. Hulle werk baie lekker en die twee kinders word vinnig groot. Hy bedank graag sy kollegas vir die goeie wense met sy verjaardag op 9 Mei.



- **Ds Danie Malan**, sy vrou Melanie en hul twee seuns word op Sondag 15 Mei deur **Gemeente Johannesburg** ontvang. Die diens begin om 11:00, en hy word in sy amp bevestig deur ds Johan Wagenaar.
- **Ds Janine Bevol-Manders** word op Sondag 12 Junie in **Gemeente Witfontein** ontvang, waar sy saam met haar man, ds Jimmy Manders, sal werk. Meer besonderhede sal later beskikbaar wees.
- **Die volgende predikante verjaar tot 20 Mei**, en word hartlik geluk gewens.
  - o Donderdag 12 Mei: Ds Buks van Heerden (Harrismith)
  - o Vrydag 13 Mei: Di Hennie Pretorius (Dora Theo Kimberley), Ockie van Schalkwyk (beroepafwagting), dr Gerhard Lindeque (Midstream), Koos Prinsloo (emeritus) en prof Ernest van Eck (UP)
  - o Saterdag 14 Mei: Di Willem Kok (Potchefstroom) en Pieter Uys (Brakpan)
  - o Maandag 16 Mei: Ds André Swanepoel (Vanderbijlpark-Suid)
  - o Dinsdag 17 Mei: Ds André Strauss (buiteland)
  - o Woensdag 18 Mei: Ds Stoffel Smit (emeritus) en prop Marissa Kidson (voorheen Van Zyl) (beroepafwagting)
  - o Vrydag 20 Mei: Di Hendrik Odendaal (Rietvallei), Theuns Snyman (emeritus) en dr Piet van Zyl (Ermelo)
- Die volgende predikante vier hul **25ste jaar in die bediening** op Sondag 15 Mei:
  - o **Ds Errol Sheppard** van Gemeente Vaalpark om 10:30
  - o **Dr Gerhard Lindeque** van Gemeente Midstream om 08:30
- **Gemeente Hartebeeshoek** het besluit om een van sy volledig versorgde standplase op te hef. Die twee standplase het feitlik gelyktydig vakant geraak met die vertrek van dr Gerhard Nel na Horison Roodepoort en ds Janine Bevol-Manders na Witfontein.
- **Gemeente Tsumeb** het in die verlede ds Arnold Viljoen se persoonlike e-posadres gebruik. Aangesien ds Viljoen steeds in die hospitaal is, moet alle **e-pos** aan die gemeente voortaan gestuur word na **chrisayres9@gmail.com**, vir die aandag van oudl Johan Booyens.
- Die **Voortgesette Teologiese Toerusting vir Predikante (VTT)** wat op **7 en 8 Junie** aangebied word, se tema is *Toekoms, Kerk en waagmoed*. Die koste beloop R300 per persoon. Predikante wat die VTT wil bywoon, moet mev Betsie Brits **voor 23 Mei** per e-pos (**betsie.brits@up.ac.za**) of per faks (012 420 4303) in kennis stel. Die registrasiefooi moet verkieslik vooraf elektronies of per bankdeposito inbetaal word, in die volgende rekening: Kerkgeld vir Kerkwerk; ABSA; rekening nr 020 149 752; kode 63 20 05; verwysing 2013K VTT (gevolg deur die naam van die kursusganger). **Let asseblief daarop dat hierdie VTT nie meer by Gemeente Villieria sal plaasvind nie maar wel by Gemeente Wapadrant. Al hoe meer predikante wil elektronies bydraes maak, en by Wapadrant is voldoende fasiliteite beskikbaar.**

Die kursusgangers word genooi om **op 7 Junie om 18:00** 'n funksie by UP by te woon waartydens die **HTS Feesbundel** aan prof Andries van Aarde oorhandig sal word. **Lina Spies** sal ook 'n lesing lewer, en daar sal 'n vingerete wees. Skakel mev Brits so gou moontlik by 012 420 5393 indien u die funksie wil bywoon.

- Die Komitee vir Gesinsorg, **ring van Pretoria-Wes**, nooi gemeentes in hul ring om aan **Bybelvasvra 2011** deel te neem. Dit is 'n geleentheid om as gemeentes binne die ring mekaar beter te leer ken. Op **29 Mei** om 14:00 vind die **Ringsbybelvasvra** plaas by **Gemeente Swartkop** in Irelandlaan, Eldoraingne, Centurion. Dit behoort voor 17:00 klaar te wees, en die deelnemers kan daarna die aandere diens om 18:30 bywoon. Op **28 Augustus** om 14:00 vind die **Streekvasvra** ook by die gemeente plaas – reëlings sal later bekendgemaak word. Dié byeenkoms is net 'n oefengeleentheid. Van **9 tot 11 September** is dit die **Nasionale Kampnaweek**: Die **landwye finaal** vind steeds die tweede Saterdag in September plaas, hierdie keer by die kampterrein Kwaggasrus buite Brits op die Thabazimbi-pad. Gemeentes (veral die jongmense) word aangemoedig om die hele naweek saam deur te bring. Verdere reëlings sal later bekendgemaak word. Kyk op Facebook by "HARTKLOP" Ringsjeug – Ring van Pretoria-Wes. Vir enige verdere inligting, kontak ds Marna Naudé by 078 639 1278 of **marna.naude@gmail.com**.
- **Preekbeurte in Coligny**. Predikante kan by Gemeente Coligny preek en gratis verblyf vir die naweek in 'n toegeruste selfsorgeenheid in 'n veilige kompleks kry. Die verblyf is vir die predikant en sy/haar gesin. Kontak oudl Oelof Vorster by 084 206 9523 of Jan Jordaan by **jsjordan@telkomsa.net**.
- **Preekbeurte in Dullstroom**. Predikante kan by Gemeente Dullstroom preek en gratis verblyf vir die naweek kry. Die verblyf is vir die predikant en sy/haar gade en 'n voorskoolse kind. Vir ander kinders moet self betaal word. Kontak Johanna by **nhkdullstroom@yahoo.com** of 072 116 3353.
- **Gemeente Wonderboompoort** beskik oor **studenteblyplek in Eloffsdal**, Pretoria. Kamers met gesamentlike badkamer teen R900 per persoon wat deel, R1 500 per enkeling. Kamers met en suite-badkamer en stoorkamer teen R1 200 per



persoon wat deel, R2 000 per enkeling. Water en ligte en veilige parkering is ingesluit. Dit is op 'n busroete, 5 km vanaf Kerkplein, 2 km van die Eugene Marais-hospitaal, naby die universiteite. Kontak Johan by 082 212 2137.

## Spesiale eredienste en feesnaweke

- **Vrydag 27 tot Sondag 29 Mei: Gemeente Germiston: Eeufees**  
Kontak ds Johan Ayres by [johanayres@absamail.co.za](mailto:johanayres@absamail.co.za) vir meer inligting
- **Vrydag 27 tot Sondag 29 Mei: Gemeente Drie Riviere: 50ste verjaardag**  
**Vrydag:** Kuier rondom woonwaens en tente  
**Saterdag:** Basaar  
**Sondag:** Nagmaal  
Kontak ds John Putter by [jdputter@vodamail.co.za](mailto:jdputter@vodamail.co.za) of 016 423 3413  
of mev Santie Rossouw by [nhk3riviere@mwebbiz.co.za](mailto:nhk3riviere@mwebbiz.co.za) of 016 423 5405

## Toere

- **28 Junie tot 12 Julie: Griekeland (hoofland) en Turkye**  
Geniet 3-dae-bootvaart na Griekse eilande  
Kontak ds **Larry van der Walt** by 082 666 0261 of [larry@newtestament.co.za](mailto:larry@newtestament.co.za)
- **25 Julie tot 3 Augustus: Amanzimtoti**  
Gemeente Noordwestelike Pretoria se Goue Oues  
R2 400 per persoon (2 etes per dag)  
Beperkte plekke beskikbaar  
Kontak Sarel Benadé by 012 379 8740 of 082 838 0042
- **26 tot 30 September: 2011 Konteks-toer na Laeveld**  
Onder leiding van **dr Hennie van Deventer**  
Skakel dr Van Deventer (toerleier) by 082 786 8448  
of Marius Wiese (toergids) by 082 374 2995

## Konserte

- **Vrydag 3 en Saterdag 4 Junie: Gemeente Van der Hoff (Groblersdal)**  
*Die vallei het talent*  
Vrydagaand uitdunne en Saterdagoggend finaal  
Kerkterrein, Voortrekkerweg, Groblersdal  
Toegang gratis – genoeg te eet en drink!  
Kontak Kobus Ehlers by 082 692 9809
- **Vrydag 16 September: Gemeente Klerksdorp-Wilkoppies**  
Kurt Darren  
Vanaf 19:00 by die rugbyveld van Wesvalia-skool  
Eerste 250 kaartjies naby verhoog R100 elk; res R80 elk  
Kaartjies by Maranata-grasdakke, Vleistraat 50  
Kontak 018 468 3769 of 083 449 9907, of George Foley by 083 750 0699

## Sportbyeenkomste

- **Saterdag 28 Mei: Gemeente Derdepoort: Gholfdag**  
Mooipoort  
*American Scramble* 4 x 2-bal  
Spelers en borge welkom  
Kry meer inligting by [mej@mweb.co.za](mailto:mej@mweb.co.za)

## Ander kompetisies en fondsinsamelings

- **Gemeente Hartbeesfontein: Uitslag van Wen-'n-boerdery-kompetisie**  
1ste prys: Jan Coetzee, Sannieshof – 10 verse en 1 bul  
2de prys: Willem Rossouw, Boksborg – 10 ooie en 1 ram





3de prys: Hannes van der Merwe, Tsumeb – 1 week vakansie aan Suidkus

4de prys: JH Burger – 1 slagos

5de prys: GH Olivier, Walvisbaai – 1 slagskaap

- **Gemeente Philadelphia: Resepteboek: *Philadelphia-Feestafel***  
R150 per eksemplaar  
56 bydraers se 415 uithalerresepte  
Ook afdeling oor Bybelse etes en feeste  
Bestel van Louise Geyser by 012 361 0579, 082 560 4279  
of [louise.geyser@absamail.co.za](mailto:louise.geyser@absamail.co.za)
- **Gemeente Alberton-Wes: Bome te koop**  
Koorsbome, soetdoringbome en vaderlandswilgers teen R100 per boom  
Reeds ongeveer 2-3 meter hoog  
Kontak ds William Harmse by 082 493 6715
- **Gemeente Bergsig: Wen naweek by Mount Amanzi Game Lodge**  
Vraag: *Hoe ver vanaf Naboomspruit is die Lodge geleë?*  
Mount Amanzi Game Lodge is 22 km wes van Naboomspruit  
en 175 km noord van Pretoria  
Daar is 15 selfbediening-chalets, 'n trouvenue, swembaddens, ens  
R20 per inskrywing  
**Sluitingsdatum 11 Junie**  
Kontak Marie by 082 402 4170
- **Gemeente Roedtan: Roedtan Buffeljagkompetisie**  
**1ste prys:** 4 dae jag op luukse jagplaas vir 10 persone  
1 buffelkoei, 1 blouwildebees, 1 koedoe, 1 blesbok, 2 rooibokkramme,  
1 rooibokkooi (boogjagters welkom)  
**2de prys:** Voëljag met akkommodasie vir 10 persone op luukse jagplaas  
vir 'n naweek  
Kaartjie R60, **trekking 31 Julie**  
Kontak ds Thys Redlinghuys, 082 416 7724, faks 086 518 9110,  
of [jagkompetisie@gmail.com](mailto:jagkompetisie@gmail.com)  
Bankbesonderhede: Absa Spaar Takkode 632005,  
rekening nommer 924 227 4630

## Basaars en markte

- **Vrydag 27 en Saterdag 28 Mei: Gemeente Losberg: Basaar**  
Baie te eet, vleis en interessante tierlantyntjies te koop  
Teetuin beskikbaar, en outydse foto's sal geneem word  
Kinderfotokompetisie  
Saterdagoggend heerlike ontbyt  
Skakel dr Ernest Marran by 082 444 1089
- **Saterdag 28 Mei: Gemeente Lichtenburg: Countryfees**  
Die Campbells – gratis vertoning  
Veiling van waardevolle items en versamelstukke  
Vermaak vir kinders – tombola, glybaan, springkasteel, ens  
Stalletjies met tuisgemaakte items en eetgoed  
**Kompetisie – wen met R20**  
R15 000; vakansie in Margate vir 5; jagpakket in Kalahari;  
skottelgoedwasser; sweismasjien; verrassingsgeskenk  
Kontak Izak Smit by 082 879 9550 of [i.smit@argosa.co.za](mailto:i.smit@argosa.co.za),  
Willie Manders by 018 632 4830 of [williemanders@arestan.co.za](mailto:williemanders@arestan.co.za),  
of ds Gerrie Senekal by 082 576 1141, 018 632 2658 of [gcsenekal@nhk.co.za](mailto:gcsenekal@nhk.co.za)
- **Saterdag 28 Mei: Gemeente Krugersdorp: Familiefees**  
Met Pieter Koen – kaartjies R45  
Verskeie kos- en kunsstalletjies, aktiwiteite vir jong kinders  
Kontak Ella by 083 728 6325 of [nhkkrugersdorp@zonetech.co.za](mailto:nhkkrugersdorp@zonetech.co.za)



- **Saterdag 28 Mei vanaf 08:00: Gemeente Schoemansdal: Bosveldbasaar**  
Hoofkunstenars Jay van Eden om 11:30 en Steve Hofmeyr om 13:00  
Gratis vertoning, meer as genoeg kos  
Kontak 012 253 0146 (08:00 tot 13:00) of 083 536 1430
- **Saterdag 28 Mei van 08:00 tot 14:00: Gemeente Benoryn: Gemeentefees**  
70ste verjaardag  
Verskeie stalletjies  
Kontak Annette van der Merwe by 011 849 1179
- **Saterdag 4 Junie: Groot Marico Safarikarnaval**  
Hope organies voorbereide vleis teen groothandelpriese  
Baie kos en handwerkstalletjies  
Koop 'n kaartjie vir R100 en wen dalk 'n 1984 Porsche 944  
Geniet van 09:00 tot laat die sang van Riaan Grobler, Ruan de Waal, Chrizaan, Ursula, Marula Boom, Lee Scott, Jomari en Armand Hofmeyr  
Toegang gratis  
Kontak ds Willem Sauer by 079 699 1237  
Besoek [www.maricosafarikarnaval.co.za](http://www.maricosafarikarnaval.co.za)
- **Saterdag 4 Junie vanaf 09:00: Gemeente Kathu: Kameeldoring-karnaval**  
Met Kurt Darren  
Kompetisie R100 per kaartjie  
Wen 7-voet Venter-waentjie; dubbeldeur yskas-vrieskas-kombinasie;  
patio-gasbraaier; Sony Playstation 3; of potspeltafel  
Kontak Rita Kern by 083 328 4465, Buna Schmulling by 082 463 8367  
of ds Joseph Steyn by 084 502 4829
- **Saterdag 4 Junie: Gemeente Wesmoot: Karnaval**  
By Makro Wonderboom  
Uitstallings van karre, promosies, narre, kunstenaars en springkastele  
Nasionale armdrukkompetisie links en regs (R50 inskrywingsfooie per arm)  
**Wen met R20**  
1ste prys: Koedoe wat jy self kan skiet of laat skiet  
2de prys: Rooibok  
3de prys: Vleispak van R319  
Kontak Marie Swanepoel by 012 379 7898 of 012 379 1955
- **Saterdag 27 Augustus: Gemeente Bronkhorstspuit: Geskenkemark**  
Bespreek 'n stalletjie vir die dag  
Kontak Alta Bester by 082 936 5289

## ANDER NUUS

- **Jurgens Bosch** is 'n intelligente, vrolike peuter van byna twee jaar oud wat in Potgietersrus woon. Dit gaan met hom baie goed, behalwe dat hy spoedig heeltemal blind gaan wees van katarakte en ander probleme wat twee keer sonder sukses onder die staatshospitaal op Mankweng se aandag gebring is. Twee kwotasies by private spesialiste het onderskeidelik R44 000 en R35 000 bedra, nadat albei groot korting gegee het. Jurgens se ouers is glad nie in staat om die fooie te betaal nie. 'n Fonds is opgerig en daar is reeds ongeveer R4 000 ingesamel, onder andere danksy bydraes uit die buiteland. Lidmate en mense in 'n posisie om te help, word gevra om finansiële steun sodat Jurgens die belangrike oogoperasie kan ondergaan. Hierdie seuntjie is tans op 'n kritieke stadium van sy ontwikkeling en die ooggebrek strem sy groei. U is welkom om verder navrae te doen by 082 821 6873. Die fonds staan onder beskerming van **To Care**, wat as nie-winsgewende welstandsorganisasie geregistreer is. Hul bankbesonderhede is soos volg:

**Rekeningnaam:** To Care Foundation (Art 21)

**ABSA**

**Rekeningnommer:** 40-7119-9298

**Takkode:** (Pretoria-Oos) 643156 (vir elektroniese betalings 632005)

**Swift Code:** ABSA ZA JJ CPT (vir internasionale skenkings)

**Belangrik:** Verwysing by elke inbetaling Bosch

- Die **Almanak/Bybelse Dagboek van 2011** is nou beskikbaar teen **R50** per eksemplaar – dus halfprys! Bestel van mev Susann van Zyl, 012 322 8885 x291, faks 086 633 4054 of [sentik@nhk.co.za](mailto:sentik@nhk.co.za). Posgeld sal bygevoeg word.



- **Vrydag 10 Junie 09:00 tot 15:30: Dagkonferensie**

*Mission shaped church*

NG Kerk Weltevreden, Corneliusstraat 1140, Weltevredenpark

Biskop Graham Cray praat oor kerkplanting en vernuwing  
R100

Bespreek **voor 1 Junie** by **admin@ngweltevreden.co.za**

of skakel 011 475 5510

Navrae aan prof Nelus Niemandt by 082 451 1670,

dr Willem Pretorius by 083 560 6668, of ds Hettie Wessels by 083 254 6833

- Die **volgende vergaderings** vind tot 20 Mei plaas. Betrokkes moet hulself asseblief vergewis van die korrekte vergadertye en lokale.

- Vrydag 13 Mei: Moderamen; Komitee vir Kerk en Teologie
- Maandag 16 Mei: Raad vir SENTIK; Raad vir Regsadvies
- Dinsdag 17 Mei: Kuratorium
- Donderdag 19 Mei: ADV-dagbestuur; Redaksie van *Die Hervormer*; Bestuur van Ons Tuis
- Vrydag 20 Mei: Predikantepensioenfonds; Personeelpensioenfonds

Die *Konteks*-redaksievergadering wat vir 16 Mei beplan is, is gekanselleer.

## KOMMENTAAR

Lesers kan kort kommentaar (uiters 100 woorde) stuur aan **produksie@nhk.co.za**. Langer bydraes sal nie geplaas word nie, en moet eerder na die gespreksforum van die Kerk se webblad by **www.nhk.co.za** gestuur word. Die finale besluit oor plasing in die *e-Hervormer* berus by die redakteur.

“My groot dank en waardering aan Daan vir sy voorbladartikel. Dis nie net in die Hervormde Kerk nodig nie. Ook by ons. Mag die ergste vrees, dat Christene mekaar in die hof sien oor onenighede, nie julle voorland wees nie. Ek dink aan julle en bid vir wysheid – dat die Gees van Christus julle sal lei en bewaar vir ’n wonderlike getuienis van Gods liefde en genade.”

**Dr Ben du Toit**

**Direkteur Kommunikasie: NG Kerk Sinode van Wes- en Suid-Kaap**

“Met hartseer stem ek met dr Daan van Wyk saam dat ons in die Kerk tans werklik bekering nodig het. Bloot die werklikheid dat ons feitlik almal kant gekies het in die debakel rondom die aanvaarding van Beskrywingspunt 54, wys ons subjektiewe keuses uit dat ons nog dink die Kerk is ’n demokrasie waar ons menslike ideologieë met dié van ander kan bots sonder om die belang van die Liggaam van Christus voorop te stel.

Die verloorder is die Kerk! Alleen die saak van Christus kan reg wees! Kom ons werk daarheen! Mag God ons genadig wees!” (*Verkort*)

**Emerituspredikant ds Dirk Stoltz**

“Baie geluk aan die vier predikante wat hul 25ste diensjaar voltooi het. Ons as lidmate is opreg trots op hulle, en dankbaar dat die Hemelse Vader hulle vir ons as kerk gegee het vir die uitbreiding van sy Koninkryk. Mag God julle nog baie jare spaar om voort te gaan met die goeie werk. Gods liefde word julle toegebied.”

**André du Plessis en familie**

## ADVERTENSIES

Advertensies waarvan ’n private individu of instansie die begunstigde is, of waarin ’n gemeente uitgebreide inligting oor ’n projek wil bekendstel, kan in die *e-Hervormer* geplaas word, teen **R114 per plasing**. Die teks moet saam met die bewys van betaling gestuur word aan mev Tessa Oppermann, per e-pos na **produksie@nhk.co.za**, of per faks na 086 633 4059 of 012 322 7906. GEEN advertensie sal geplaas word sonder dié bewys nie. Die verskuldigde bedrag moet uitgemaak word aan: Raad van Finansies; ABSA; tjekrekening nommer 020 000 287; takkode 632 005; **verwysing**: u naam + **e-Hervormer Ads**. Kontak mev Oppermann vir meer inligting.



## EKSTRA VERDIENSTE

Maak groot geld vanaf u huis

Prosedure met goeie resultate

SMS u naam en adres na 073 718 8688

vir volledige inligting

# AGTERBLAD

## Vuurvlamme van die Gees

**Die Junie-uitgawe van *Konteks* is tans by die drukkers. Dit is die tydskrif se Pinksteruitgawe.**

Die voorblad weerspieël die vuur van God se genadewerk – weer die toneel van die Opstandingsuitgawe, dieselfde boom, maar nou vuurrooi en nog meer die ene lewe...

Maak ons nog genoeg van die Heilige Gees? Glo ons nog onvoorwaardelik soos 'n kind? Hoe tree ons op teen die weerloses in ons midde – die kinders, bejaardes, gestremdes? Put ons nog vreugde uit alles wat ons so mildelik uit die Vaderhand ontvang?

\*\*\* Nuwe intekenings vir die laaste 5 uitgawes van 2011 kan nog voor 10 Junie geplaas word, teen R65. Kontak mev Susann van Zyl van SENTIK by 012 322 8885 x291, faks 086 633 4054 of [sentik@nhk.co.za](mailto:sentik@nhk.co.za).

Daar is ook 'n volledige weergawe (met foto's) van hierdie nuusbrieff beskikbaar, wat vandeeweek 316 kilogrepe groot is. Vind dié volledige weergawe by [www.hervormer.co.za](http://www.hervormer.co.za), of stuur 'n versoek na [karen@nhk.co.za](mailto:karen@nhk.co.za) om dit weekliks te ontvang.